

Ibsa Ejjannoo Walgahii Addaa TBOJ

Nuti miseensonni Tokkummaa Barattoota Oromoo Biyyaa Jarmanii (TBOJ) walgahii addaa kan gafa Bitooteessaa 02, bara 2014 magalaa Nürbergittii adeemsifanne irratti dhimmoota wa'ee haala ijjaarsa keenyaa fi kan Qabsoo Bilisummaa Oromoon har'aa keessaa jiruu ilaallattan irratti maree bal'oo taasisuun murtee addaa addaa dabarsuun xummuurratneerra. Walgahii kanaa irratti baruumsaa fi haala yeroo ilaalchissee Miseensii Gumii Sabaa ABO J/Dr. Shigut Galata dhaaba ABO bakka bu'un nu giddutti argamuun ibsa bal'aan nu keennamee jira. Haala amma TBOJ Keessaa jiruu ilaalchissee karaa Dura ta'aa fi Barreessaa Damee Würzburg fi nannoon J/Gamachuu Fayyisaa fi J/Obsa Adam wal duraa duubaan ibsaa kennameera.

Itti aansuunis walgahichi dhimmoota armaan gaditti irratti murtee dabarsuun xummuurame:-

1. Deeggarsa QBO irratti

Nuti miseensonni TBOJ Walgahii kanaa irratti qooda fudhannee QBO kan kallacha qabsichaa ABOon hoogganamu of qusannaa tokko malee kan ca'aa tokko irra eegamuuu maraan kan cinaa dhaabbannu ta'uu ammas irra deebinee waadaa seenne haaromsina. Sochii Qerroo kano bifaa fi haala qindoomina haaraatiin finiinaa jiruu fi Waligalaa kan dhaabnii ABO kallachumman gaggeessaa jiru jabinaa fi murannoon wan dandeenyuu maraan kan deeggarru ta'uu beeksifna. Gachannii Ummataa Oromoo, WBOon, daran tarkanfii isa akka cimsaatuu wan qabnuu fi dandeenyuu maraan biraa dhaabbannaa.

2. Balaaleffannaa Mootummaa Impayeeraa Ityophiyaa kan ABUT-tin Hogganamtu

Miidhaa Mootummaan Impayeeraa Ityophiyaa kan ABUT-n hogganamutuu uummata keenya irraan gahaa jiru ni balaaleffanna, ni mormina, kara dandeenyu maras dura dhaabbannaa.

Akeekaa fi karoora **duguuggaa sanyii** (policy of Genocide) ummataa keenyaa fi uummatoota cunqurfatamtoota addaa addaa irratti Mootumman TPLF geeggessaa jiru ni balaaleffannaa. Yakkamtoonni sirna wayaanee miidhaa akkasii qaqaabsiisan hatattamaan akka seeratti dhiyaatanii itti gaafataman Biyyootiin Demokratawwaa fi Jarmooleen mirgaa dhalaa namaaf falmaani akka dhiibbaa godhaan ni gaafanna.

3. Hariiroo mootummaa TPLF fi kan biyyoota Ollaa ilaalchisee

Biyyoonnii ollaa Itiyoophiyaa tokko tokko hariiroo mootummaa Wayaanee faana qaban hal duree tarkaanfii fi sirna mootummichaa kan hin xiinxalle tahuu irrann kan ka'ee Waligaltee idilee adunyaa tokko tokko caabsuun midhaa dangaa hinqabnee geessaa jiru.

Kesumaayyuu mootummoonni biyyoota akka Somaliland fi Keeniyaa Waligaltee Adunyaan qabduu faalleessaa yeroo yerootti baqaataa Oromoo dabarsaanii Mootummaa TPLF-tti keennun badhii tahuu hubataanii fuulduraaf dalaga akkasii irraa akka of qusatan cimsinee gaftnaa.

4. Waamicha

Tokkummaan Barattoota Oromoo Biyya Jarmanii diina miidhaa fi jibbiinsi isaa saba keenyaaf daangaa hin qabneef hojjattanii fi akkasumas bira dhaabbattan, dalagni keessan uummata keessaniif miidhaa ammamii fi akkamii akka qabu xinxaltanii hubachuun harka diinaa jalaa of baaftanii gara mooraa QBotti akka deebitan waamicha keenya cimsinee isiniif dhiyeesina.

Tokkummaan humnoota QBO yoom iyyuu caala barbaachisaa fi murteessaa ta'uun isaa hubatamaa dha. Kanaafuu araaran moraa qabsoo Bilisummaa Oromoo gabisuuf tokkummaan jarmoolee kan kayyoo irratti hunda'ee kan kanaan dura jalqabame jiruu xumuraa itti gochaa kan hafeess fuulduratti akka cimee itti fufuu fi babal'atu qaamota dhimmi kuni isaan ilaalu maraaf waamicha keenya ammas irra deebinee dabarsina.

Dhuma irrattis tumsii fi tokkummaan saboota cunqursaa jalatti kufanii argamanii kan galii kaayyoo qabsoo isaanii as dhiyeessu akkasumas kan diina immoo naasisuu fi bir'uu guddaa irraan ga'u ta'uu isaa hubatamee, Hariiroon tarsimoo irratti akeekkatee akka cimuu qaamonni dhimmi isaa isaan ilaalu akka irratti hojjatan waamicha keenya dabarsinaaf. Baruumma barbaachisu kennuu fi haala gamtaa akkasii mimijeessu bakka hundattii fi qaama hundaan akka irratti hojjatamu jechuun ergaa keenya dabarfanna.

Injifannoon Uummata Oromoof!

Hirmatootaa Walgahii addaa TBOJ, Nürnberg, Bitootteessaa 02, 2014







